

A tentores in ciuitate & dicecesi Tridentinensi, seu alibi commorantes & constitutos, quorum presentia pro executione premissorum & infrascriptorum facienda tute adiri non potest, per simile edictum pari modo & forma legendum, publicandum & affigendum, Fredericum ducem & alios occupatores & detentores tenore presentium peremptorie citamus, ac per delegatos nostros supradictos citari uolumus & mandamus, quatenus ipse Fredericus dux & alij forsan occupatores & detentores huiusmodi moniti & requisiti, octaua die post lapsum dierum triginta diebus eis assignatorum immediate sequentium, si iuridica fuerit, alioquin proxima die iuridica extunc sequenti; alij uero, ut nobiles, capitanei, officiarij & subditi per edictum huiusmodi moniti & exquisiti, uicesima die post lapsum dierum sex dierum eis assignatorum immediate sequentium, si iuridica fuerit, alioquin proxima die iuridica sequenti, compareant coram nobis uel iudicibus per nos deputatis, seu interim deputadis, poenas, censuras ac sententias huiusmodi declarari, & ipse Fredericus dux procedi uisuri & audituri. Certificantes nihilominus eosdem, quousque ad declarationem poenarum predictarum procedemus, iustitia mediante. Venerabilibus uero fratribus patriarchis, archiepiscopis & episcopis, quibus ob reuerentiam suarum pontificalium dignitatum duximus merito deferendum, si in predictis deliquerint, uel aliquis eorum deliquerit, sex dierum canonica monitione premissa ingressum ecclesie interdictum in hiscriptis.

B Si uero huiusmodi interdictum per alios sex dies sustinuerint, seu alter eorum sustinuerit, ipsos suspendimus a diuinis. Si uero huiusmodi interdicti & suspensionis sententias animis (quod absit) sustinuerint, uel alter eorum (quod absit) sustinuerit induratis, ipsos exnunc prout extunc, & extunc prout exnunc, excommunicationis sententia innodamus. Inferiores uero episcopos, qui in premissis exequentis negligentes fuerint, uel eorum aliquis negligens fuerit, post lapsum sex dierum terminum excommunicationis sententiam incurere uolumus ipso facto. Absolutionem uero omnium & singulorum, qui prefasas nostras sententias aut earum aliquam incurserint, uel aliquis eorum incurrerit, quoquomodo nobis aut summo futuro pontifici tantummodo reseruamus. Loca uero audientiarum, & ualuarum predictarum tanquam publica & idonea ad executionem predictorum (ut premititur) publicandum ad instar publicorum edictorum, quae olim in albo pratorio scribebantur, duximus eligenda, quae presentes nostras literas suo quasi sonoro praconio & patulo iudicio publicabunt, in quibus nostras literas modo premissis decernimus publicandas, ne praenominati moniti & citati, de premissis aliquam ignorantiam praetendere ualeant, uel etiam allegare, cum non sit uerisimile, apud dictos sic citatos & monitos remanere incognitum, quod tam patenter & notorie extitit publicatum. Volentes nihilominus &

C decernentes, quod presentes nostrae litterae dictos monitos & citatos perinde arceant & astringant, ac si eorum proprijs personis publicatae fuissent. De executione premissorum et de his quae in premissis et quolibet premissorum uos prescripti uenerabiles fratres patriarchae, archiepiscopi, episcopi, uosque alij delegati nostri feceritis, seu aliquis eorum fecerit, nos per instrumenta publica seu alia legitima documenta legitime certificare non obmittatis, sub poenis supradictis, quibus & cuiuslibet uestrum in premissis dabimus plenam fidem. Datum Constantiae undecimo calendis Decembris, Anno a natiuitate domini millesimo quadringentesimo decimoquinto apostolica sede uacante.

Quibus lectis, fuit responsum, dictum, & alta uoce clamatum per dominos Concordiensem Italicae, Tolonensem Gallicanae, Merseburgensem Germanicae, & Carthaginensem Anglicanae episcopos quatuor nationum, & per eorum quemlibet nomine ipsorum & cuiuslibet eorum, Placet: & per dictum dominum Ostiensem nomine collegij cardinalium, placet. Procurator uero praefati domini ducis protestatus fuit de nullitate monitorij & de grauamine, & appellando, petijt instrumentum.

¶ Congregatio ad audiendum relationem ambasciatorum missorum ad Petrum de Luna & regem Aragonum.